

Na osnovu člana 61. stav 3. tačka a) Statuta "Elektroprenos – Elektroprijenos BiH" a.d. Banja Luka, ("Službeni glasnik BiH", 86/05, 103/06, 60/14, 24/15, 76/15 i 55/17) i Odluke broj: UO-6798/2014 od 10.06.2014. godine, broj: UO-12453/2014 od 26.09.2014. godine i broj:UO-11-7/2025 od 06.03.2025. godine i Odluke broj: OR-18-3/2025 od 17.3.2025. godine, Odbor za reviziju "Elektroprenos – Elektroprijenos BiH" a.d. Banja Luka, raspisuje

**JAVNI KONKURS za izbor i imenovanje
DIREKTORA ODJELJENJA ZA INTERNU REVIZIJU**

Direktor Odjeljenja za internu reviziju Kompanije "Elektroprenos – Elektroprijenos BiH" a.d. Banja Luka (u daljem tekstu: Kompanija) ima dužnosti utvrđene važećim propisima u Bosni i Hercegovini, Statutom i drugim aktima Kompanije.

Direktor Odjeljenja za internu reviziju imenuje se na mandatni period od 3 godine s tim da navedenu dužnost ne može obavljati duže od dva mandata.

Direktor Odjeljenja za internu reviziju je četvrti član Odbora za reviziju, bez prava glasa.

Direktor Odjeljenja za internu reviziju ne zasniva radni odnos u Kompaniji, ali ostvaruje pravo na naknadu u skladu sa aktima Kompanije.

Opšti uslovi za imenovanje kandidata:

- a) da je državljanin Bosne i Hercegovine,
- b) da nije mlađi od 18 i da nije stariji od 65 godina,
- c) da se na njega ne odnosi odredba člana IX stav 1. Ustava Bosne i Hercegovine,
- d) da se protiv njega ne vodi krivični postupak i da nije osuđivan za krivično djelo koje predstavlja smetnju za imenovanje,
- e) da mu odlukom suda nije zabranjeno obavljanje poslova za koje se kandiduje,
- f) da nije otpušten iz službe ili sa radnog mjesta kao rezultat disciplinske mjere i
- g) da ispunjava sve ostale uslove, odnosno da nema ni drugih smetnji za njegovo imenovanje prema važećim propisima, Statutu ili drugim aktima Kompanije.

Posebni uslovi za imenovanje kandidata:

- a) da ima VII stepen stručne spreme, ekonomski smjer,
- b) da ima najmanje pet godina odgovarajućeg radnog iskustva na ekonomskim poslovima nakon sticanja VII stepena stručne spreme
- c) da ima licencu ovlaštenog revizora ili licencu ovlaštenog internog revizora u javnom sektoru.

Prijave se podnose na Obrascu prijave, koji zainteresovani mogu naći na web stranici www.elprenos.ba.

Uz popunjen obrazac prijave na Konkurs, kandidati su dužni dostaviti dokaze o ispunjavanju uslova:

- diplomu o stečenom obrazovanju,
- uvjerenje da ima najmanje pet godina odgovarajućeg radnog iskustva na ekonomskim poslovima nakon sticanja VII stepena stručne spreme,
- licencu ovlaštenog revizora ili licencu ovlaštenog internog revizora u javnom sektoru.

Dokaze o ispunjavanju opštih uslova i to:

- izvod iz matične knjige rođenih,
- uvjerenje o državljanstvu, (ne starije od 6 mjeseci),
- uvjerenje da se protiv njega ne vodi krivični postupak (ne starije od 3 mjeseca) i uvjerenje da nije osuđivan za krivično djelo koje predstavlja smetnju za imenovanje (ne starije od 3 mjeseca),
- ovjerene izjave o ispunjavanju opštih uslova za tačke c), e), f) i g)

dostaviće samo izabrani kandidat prije zaključivanja ugovora o uzajamnim pravima i obavezama sa Kompanijom.

SVI DOKUMENTI KOJI SLUŽE KAO DOKAZ O ISPUNJAVANJU USLOVA, DOSTAVLJAJU SE U ORIGINALU ILI KAO OVJERENA KOPIJA.

Sa svim kandidatima koji ispunjavaju uslove Konkursa obaviće se intervju, o čijem vremenu i mjestu održavanja će biti blagovremeno obaviješteni.

Javni Konkurs će se objaviti u "Službenom glasniku BiH", "Službenom glasniku Brčko distrikta BiH" u dnevnim listovima "Glas Srpske" Banja Luka, "Oslobođenje" Sarajevo i "Večernji list" Mostar te na web stranici www.elprenos.ba

Rok za dostavljanje prijava je 15 dana.

Ako Konkurs ne bude istovremeno objavljen, rok će se računati od dana posljednjeg objavljivanja.

Nepotpune i neblagovremene prijave neće se uzeti u razmatranje.

Prijavu slati preporučeno na adresu: "Elektroprenos – Elektroprijenos BiH" a.d. Banja Luka, ul. Marije Burać br. 7a, 78 000 Banja Luka, sa naznakom:

"PRIJAVA NA KONKURS ZA DIREKTORA ODJELJENJA ZA INTERNU REVIZIJU ELEKTROPRENOS–ELEKTROPRIJENOS BIH A.D. BANJA LUKA – NE OTVARATI".